



Od glave noge smrde

književna plakata

Broj 3 # maj 2022. Tema: Aforizmi

Leđima okrenut sebi



Bolje šutit nego ništa ne reć

Čim progovorim bolje mi je da šutim

Sažimanjem glupost dobija na težini

Jadi mladog tweetera.

YUGO

Tačno je da je trošio malo,
I bio jeftin, i trajao dugo
I da ga nije često kralo
I da je dobro uzbrdo strugo.


Varilo se sve što struli,
Dijelovi bijahu skoro džabe.
A ležajev, kad bi se čuli,
Zaglušile bi kočnice slabe.

I sjedišta bijahu malko tvrda
Mekši je od njih bio lim.
Ko keks ga je jela hrda
Iz hladnjaka se vijao dim.



Mnogi je motor odonda stao
Sad je na zemlji carstvo drugo
Prošlo je vrijeme kad je ciao
Na cesti bračionjak zvani yugo.

Sad je drugo na zemlji carstvo
Ce-Ka je prešao u bankarstvo
Dosta smo vozili yugo-smreća
Ovo je vrijeme za govna veća.



MANUFAKTURA
EPITAF

Kad porastem biću trava...
Pogled u zjenicu kurca...
Prema ovome je garsonjera raj.
Odavde je i zemlja nebo.
O smrti, u 3 riječi: konac telo krasí.



Slijep kod očiju: na jedno mu oko ude, a na drugo izađe.



Suza ću ti se napit'!
(Roman u pet riječi.)

Iđemo na izbore



Masa silí iđaje opravdanje.



Ne mogu da vjerujem iako me ne čudi.



Zašto bi čitali Čarobni breg, kad mogu gledati Ravnu goru?



Status je ostao livo.

Tele ispod sača ili jagnje sa rotacije?

Ako reset mozga ne pomaže, možda će klistiranje.


Wellcome to Džehenet.

Je l' to sve što mi nemaš reć?

Grafike Religija: Gustav Dor. Fotografije Magrit, Kurbe, Ministarstvo bezveznog hoda, Pogled iz groba i Jugo: Pinterest. Ilustracije Cenzura i Nop: Al'čak. Ostale fotografije: n.v. Aforizmi i stihovi: n.v.

Izdržite još malo, nećete još dugo.
Tuđa ruka smrad ne češe.

Ustajem u sedam, budim se u osam



Ustajanje, ludom radovanje :-)

Subotom ne razlikujem sabah od šejtana.

Kako god ustanem ne dočekam se na noge.

Ponekad se probudim kao kornjača koja zato što nema oklop misli da je zec.

Jutros šta god uznem ne znam gdje je.

Mislio sam da je petak pa da je život preda mnom.

Predao bih se, ali život ne užima zarobljenike.

Dolazim sebi, ali neću se dugo zadržavati.

Idem ja malo leć, da me ne prevari san. :-)

Ma
sno
ća
je
po
la
zdrav
lja.



Pjesma neznanog junaka

Vuci, tuci, kreši, žezi,

grizi, gazi, kolji, pali,

krši, deri, reži, veži,

stegni, digni, i povali.

Ubij, siluj, otmi, drži,

vitlaj, sijeci, kosi, zbodi,

udri, zgnječi, srauni, sprži,

uništi i oslobodi.

r e l i g & j a

Ako jedan bog, zašto tri vjeronauke?



Ako u početku bješe riječ, otkud na kraju blejanje?



Samo je ateisti svaka vjera jednaka :-)



Na torove razbroj s'!



Ko tebe kamenom, ti njega hljbom iz zamrzivača.



Molitva No.1:
Zdravo,
Venero,
milosti
puna...



Svako ima
pravo da NE
ide gdje želi.



Kako vjera
gleda na
samoubistvo u
samoodbrani?